

•sanjvwnz•

Binghraq Fwt Daeuj Daengz

疫情忽到来

□ Dangz Gyahgwnh / 唐家根

Gou daej lo.
Vahsug naeuz “raemxda lwgsai mbouj luenh doek”, hoeng, ngoenz-neix raemxda gou nyaenx mbouj ndaej lae roengzdaej lo. Gij raemxda neix, dwg raemxda gamjdoengh, dwg raemxda angqyangz.
Bineix, youq dieg Mbanjcuengh, fwnmoenq soebsoeb, mbwn nitriri. Gyoengqvunz cingq angqvauvau gvaq ndwencieng, binghraq sawqmwh roemx daeuj. Yaep seiz, gyoengqvunz simvueng, baez lwnh gij binghraq neix saeknaj doq bienq. Ngoenz daihngaih, gak mbanj gak gyok cungj fung roen liux lo.
Gij binghraq baezneix dwg bousai ndeu youq diegroq dauqranz gvaqcieng, de deng lah bonjfaenh mbouj rox, gvaqcieng youh cunz caencik baengzyoux, baenzneix hauj-lai vunz deng lah. Cungj binghdoeg lah vunz gig vaiqveq, danghnaeuz fuengzre mbouj gibseiz, doeklaeng couh nanz guh lo.
Cungj binghdoeg neix baenzneix haenq, baenzlawz mbouj hawj vunz lau ne? Gvaq mbouj geij ngoenz, couh miz bak lai bous vunz ndaej deng lah cungj bingh neix lo.
Seizneix gamhanh binghraq ceiq youqgaenj. Miz vah naeuz “dieg ndeu miz nanh, bet fueng doxbang”. Yaep seiz, gak dieg gingcaz, canghyw, husw daengj daj seiq mienh bet fueng ganj daeuj. Gyoengqde mbouj lau yungyiemj, mbouj lau sinhoj, baez daeuj daengz couh guh saeh, mbouj gamj daengx roengzdaej yietnaiq, ciengj faen dued miux caeuq binghraq doxhoenx.
Mizseiz dungx iek lo, gyoengqde

lienx haeuxngaiz cungj mbouj goq ndaej gwn, lij ndwn youq ndaw nit hawj gyoengqvunz guh hwzsonh, nyaengqfoedfoed.
Mizmbangj vunzlaux byaij roen mbouj fuengbienh, gyoengqde couh caenndang hwnj ranz bae bang guh hwzsonh.
Roen bya mbouj ndei byaij, fwn doek roen raeuz, gyoengqde laemx le, hwnjdaej laebdaeb byaij baenaj. Gyoengqde baeg le couh naengh youq gwnznya henzroen yietnaiq. Gyoengq-

de naiq le couh bomz youq gwnz-daengq ninz yaep ndeu.
Gyoengq vunzmbanj raen daengz neix, sim'in youq mbouj onj, gyoengqde mwngz dawz haeux, gou dawz byaek, de dawz fwnz, mizmbangj ndawranz miz duz moucieng mbouj sij ndaej gaj hix dawz okdaeuj gaj lo. Naihlaux ga' gvez fwngzgvas gaem diuz faex daemxdwngx, fwngzswix riu dawz duzgaeq, baez ngaek baez ngeu byaij daeuj. Lwngyez soemh nit soemh fwn riu bit daeuj.

Daihgya miz ngaenz ok ngaenz, miz rengz ok rengz, cungj naeuz, baenzlawz hix mbouj ndaej hawj gyoengq canghyw caeuq husw dungx iek bae guhhong.
Vunzmbanj bingzseiz mbaet gwn mbaet yungh, hoeng doiqnaj cainanh, gyoengqde naemj hix mbouj naemj couh dawz gij doxgaiq ndawranz okdaeuj, guekcoj raeuz miz gij lwgminz neix, baenzlawz mbouj hawj vunz gamjdoengh.
Gyoengq ganbu、dangjiyenz、gyoengq gingcaz caeuq gyoengq canghyw husaw, mbouj lau sinhoj dwgrengz, heuh daeuj couh daeuj, heuh guh couh guh, cienz sim cienz eiq bang vunz lai, miz gyoengqde, guekcoj lij miz maz saehnanh guh mbouj ndaej gvaqbae? Miz gyoengqde guekcoj baenzlawz mbouj giengz-cangq, baenzlawz mbouj bingzan?
Binghraq youh daeuj daengz, gyoengqvunz caezsim cawzcied de.



hwnj gwnzmbwn bae, gouz aeu fwnrumz habseiz, vunz gyaeu ndangcangq, haeuxnaz rim cang. Cienznaeuz goep gvej dwg dahlwg goengbyaj caeuq yahbyaj, cienmonz daeuj guenj gij saehhong gwnzbiengz, de heuh fwn ndaej fwn, heuh rumz ndaej rumz, rox yawj ok bi lawz fungsou caeuq gwnzbiengz angqyangz. Vunz Bouscuengh Doenglanz cungj saenq gijneix, aeueiq goep gvej, heuh de guh yahgvej. Youq cietyahgvej gwnzde, cungqvunz ciengzseiz cungj eu gij fwen yienghneix:
Lajmbwn duzgoep caeuq duzgvej,
Vunz naeuz meh de youq gwnzmbwn;
Mingzcoh heuhguh Yahraez gwnz,
Cien guenj rumzfwn caeuq fwjmaeq.

Yah heuh duzgoep caeuq duzgvej,
Baiq song duz de daeuj lajmbwn;
Cienmonz bang meh yawj biengz vunz,
Fuengbienh dingh fwn roxnaeuz rengx.

天下蚂拐和青蛙,
他妈住在天上家;
名字叫做牙雷猛,
专管风雨和云霞。

她叫青蛙和蚂拐,
派遣他们凡间来;
专门帮妈来报信,
天晴下雨好安排。

“Baenzlawz?” De mbouj riu lo, “gou riu ndaej mbouj habdangq?”
“Mbouj dwg, gou yiemjiemj deng laemx lo.”
De iet fwngz ndeu daeuj rex gou, gig unqswnh rag gou byaij.
“Gou laihnaeuz mwngz youq baihlaeng gaex gou baez he, mbouj hawj gou riu ne!”
“Gou baenzlawz rox yienghneix guh?” Gou najmong dap.
“Doenghgij bi neix daeuj, gou siengj riu couh riu, siengj hemq couh hemq, mboujnex, caeux couh deng daioemq lo.”
“Gvaiq mbouj ndaej bouswnq cungj naeuz mwngz baenzbag lo.”
“Caen ndaej baenzbag fanjdauq hix ndei o, ai!”
“Ndang ndeisak mbouj baenz ha, vihmaz siengj baenzbag ne?”
“Baenzbag le, hix couh mbouj miz nyapnyuk lo, mwngz lij iq, doenghgij saeh neix lij caengz rox.”
Baenzlawz youh naeuz gou iq

•Sawcuenhraez Lwngyez•

Gij Golwngyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

mbouj roxyiuj, ndaejniy gij vah neix gou couh mbouj cwxcaih, gou gik caiq haibak, hawj de rex gou byaij.
Daihcibbet Gip Maknganx
Aulungzgveiz itcig soengq gou daengz bakdou ranz gou, de cij dauqbae. Gou heuh de haeujdaej naengh yaep ndeu, de cix sing ndeu cungj mbouj han cienq gyaeuj couh byaij deuz lo.
“Ahbyauh, mwngz buet bae ranz lawz guhcaemz la?” Meh ndaejniy gij sing gou, daj ndawrug dawz aen daeng' youzhaeu ndeu byaij okdaeuj,

lij faek gou, “mbwn cungj laep le, daiq mwngz haxbaenh lij siengj okbae ra mwngz ne!”
“Gou youq miuhsaenzvangz baihlaeng ranz Aulungzgveiz ndoj fwn.”
“Aiya!” Meh hemq hwnjdaej, lumj sawqmwh deng duznon maz haeb gaemz ndeu nei, “mwngz buet daengz gizhaenx bae guhmaz? Daengq mwngz lai baez lo, gaej caeuq de doxyouq, mwngz couh dwg rwzraez!”
Meh gou gig noix baenzneix hat gou, haemhneix hozgaek ndaej yaek

dub gou, gou deng haep ndaej doiqdaug song yamq.
Fajdoudangq baez yiengj sing he, aen ngauez gipgip muengzmuengz daj ndawding byaij okdaeuj.
“Gaej gvaiq Ahbyauh, dwg gou heuh de bae hane.”
Ndei lo, daxdaiq okdaeuj bang gou gangjvah, gou couh maz cungj mbouj lau lo.
“O?” Meh doeksaet yat, “baenzlawz heuh Ahbyauh bae ra bousbag haenx?”
(caengz sat)